

GABAY NG INDUSTRIYA PARA SA COVID-19: Mga Pribadong Venue at Event

Abril 14, 2021

**Magkakaroon ng
bisa sa 15, 2021**

Dinisenyo ang gabay na ito upang matugunan ang mga sektor at mga aktibidad na magbubukas sa buong estado. Gayunpaman, maaaring magpatupad ang mga lokal na opisyal ng kalusugan ng mas mahigpit na mga patakaran na inilapat sa mga lokal na kondisyong epidemiolohikal, kaya dapat ding kumpirmahin ng mga employer ang kaugnay na lokal na mga patakaran sa pagbubukas.

PANGKALAHATANG IDEYA

Ang COVID-19 na pandemya ay patuloy na nakakaaapekto sa kalusugan ng mga taga-California. Ang mga naiulat na sakit ay mula sa hindi napakalubha (ang ilang tao ay walang mga sintomas) hanggang sa malubhang sakit na maaaring magresulta sa kamatayan. May ilang partikular na grupo, kasama ang mga taong may mga seryosong kasalukuyang medikal na kondisyon, tulad ng sakit sa puso o sakit sa baga o diabetes, ang nasa mas mataas na panganib na maospital at magkaroon ng mga malubhang komplikasyon. Bukod dito, tumataas ang panganib sa mas malubhang sakit at pagkamatay habang tumatanda ang isang tao. Dahil lumaganap na ang pandemya, nalaman namin na maraming organ ng katawan ang maaaring maapektuhan ng COVID-19 at maraming paraan na maaaring makaapekto ang impeksyon sa kalusugan ng isang tao.

Habang ang karamihan sa mga taong may COVID-19 ay gumagaling at nakakabalik sa kanilang dating kalusugan, ang ilang mga tao ay maaaring magkaroon ng mga sintomas na maaaring tumagal nang ilang linggo o ilang buwan pagkatapos nilang gumaling mula sa malubhang pagkakasakit. Kahit ang mga taong hindi na-ospital at may hindi gaanong malalang karamdaman ay maaaring makaranas ng mga paulit-ulit o atrasadong sintomas.

Malaki ang tsansang magkaroon ng hawaan kapag may malapitang kontak ang mga tao o nasa lugar na hindi maayos ang bentilasyon kasama ang isang taong nahawaan. Maaaring mangyari ang hawaan kapag ang taong may impeksyon ay may mga sintomas, walang mga sintomas, o hindi pa nagkakaroon ng mga sintomas. Ang mga particle ng virus ay maaaring maglakbay nang higit sa anim na talampakan sa mga panloob na puwang at manatiling nakalutang sa hangin kahit na umalis ang isang taong nahawahan sa silid. Mas mataas ang peligro ng hawaan sa mga panloob na espasyo kaysa sa mga panlabas na espasyo. Kapag ang isang taong nahawahan ay gumawa ng ilang mga aktibidad, tulad ng pagkanta o chanting, malakas na pagsasalita, o mabigat na paghinga, halimbawa sa pag-eehersisyo, maaari pa itong makadagdag sa peligro kumpara sa normal na paghinga at pagsasalita.

Kaya mahalagang gawin ang lahat ng posibleng hakbang para matiyak ang kaligtasan ng mga manggagawa at ng publiko.

Ang mga pangunahing kasanayan sa pag-iwas ay kinabibilangan ng:

- ✓ pisikal na pagdistansiya hanggang sa pinakamalayang posible,
- ✓ paggamit ng mga pantakip sa mukha ng mga manggagawa (kung saan hindi obligado ang proteksyon sa paghinga) at ng mga kostumer/kliyente,
- ✓ para sa mga panloob na lokasyon, siguraduhing sapat ang bentilasyon sa lahat ng espasyo,
- ✓ madalas na paghuhugas ng kamay at regular na paglilinis at pagdidisimpekta,
- ✓ pagsasanay sa mga manggagawa sa mga ito at iba pang mga bahagi ng programa sa pag-iwas sa COVID-19.

Noong Nobyembre 30, 2020, nagpatupad ang California Division of Occupational Safety and Health (Cal/OSHA) ng mandatoryong [pansamantalang mga pamantayan ng emergency](#) (ETS) upang maiwasan ang pagkakalantad ng manggagawa sa COVID-19 sa karamihan ng mga lugar na pinagtatrabahuhan kung saan ang mga manggagawa ay hindi sakop ng [pamantayan sa mga Sakit na Naihahawa sa pamamagitan ng Aerosol](#) ng Cal/OSHA. Sa ilalim ng ETS, may mga obligasyon ang mga employer kabilang ang paggawa at pagpapatupad ng mga patakaran at pamamaraan upang maiwasan ang hawaan ng sakit sa lugar ng trabaho; tukuyin ang mga bagong kaso ng sakit kung mangyari ito; at, kapag natukoy sila, mabilis na mamagitan at makipagtulungan sa mga awtoridad sa kalusugan ng publiko upang mapigil ang pagkalat ng virus. Saklaw ng ETS ang mga paksa na tinutugunan din ng patnubay na ito. Na-update ang patnubay upang linawin ang anumang pagkakataon kung saan nagpapatupad sa patnubay sa kalusugan ng publiko ng mga karagdagang kinakailangan na bukod pa sa mga iniuutos ng ETS at upang bigyang-diin ang mga karagdagang inirerekomendang gawain para sa mga layuning pangkalusugan ng publiko na bukod pa sa mga iniuutos ng ETS.

TALAAN NG MGA NILALAMAN

Layunin.....	5
Kinakailangang Paggamit ng mga Pantakip sa	8
Mukha	8
Programa sa Pag-iwas sa COVID-19 sa Pinagtatrabahuhan.....	8
Pagkalat ng Sakit at Pagpapasuri.....	9
Mga Indibidwal na Hakbang sa Pagkontrol at Pag-screen.....	9
Bentilasyon	10
Mga Protokol sa Paglilinis, at Pagdidisimpekta	10
Mga Patnubay sa Pisikal na Pagdistansiya.....	11
Serbisyo ng Dining at Pagkain	12
Entertainment, Audio Visual, Photography/Videography	12

Layunin

Ang dokumentong ito ay nagbibigay ng patnubay para sa Mga Pribadong Venue at Event upang suportahan ang pagkakaroon ng ligtas at malinis na kapaligiran para sa mga tauhan, panauhin at kostumer. Naiiba ang Mga Pribadong Venue at Event sa Mga Pagtitipon, dahil sa Pribadong Venue at Mga Event, dapat ay mayroong tinukoy na mga listahan ng panauhin at kakayahang magtalaga ng upuan para sa mga panauhin. Para mataasan ng mga operator ng pribadong event ang mga limitasyon sa kapasidad batay sa 100% na pagsusuri o patunay ng kumpletong bakuna para sa lahat ng dadalo, dapat ay may kakayahan silang kumpirmahin ang status ng pagsusuri o pagpapabakuna. Lilimitahan ang pagdalo sa pribadong venue at mga event alinsunod sa Antas ng Panganib sa County. Para sa pinakabagong impormasyon sa katayuan ng county, bisitahin ang [Blueprint para sa isang Mas Ligtas na Ekonomiya](#). Mangyaring pansinin na ang mga lokal na departamento ng kalusugan ay maaaring magkaroon ng mas mahigpit na mga pamantayan at iba't ibang pagsasara. Hanapin ang [lokal na impormasyon ng iyong county](#). Manatiling nakasubaybay sa mga pagbabago sa patnubay sa pampublikong kalusugan at mga kautusan mula sa estado/lokal, habang nagpapatuloy ang sitwasyon ng [COVID-19](#).

- o **Sa lahat ng Bahagdan:** Ang pagdalo sa Mga Pribadong Event at Venue ay limitado dapat sa nauna nang natukoy na listahan ng dadalo.
 - o Ang mga employer na may mga empleyadong nagtatrabaho sa isang pribadong event ay dapat bumuo ng programang pagpapasuri ng tauhan para sa COVID-19 para sa lingguhang opsyonal na pagsusuri ng lahat ng tauhan na maaaring may makasalamuhang iba pang empleyado. Ang PCR o antigen ay mga pinapayagang pagsusuring pang-diagnose para sa mga tauhan/performer kung saan ang agwat sa pagitan ng mga pagsusuri ay hindi hihigit sa pitong araw. Para sa mga manggagawa na bumabalik sa trabaho kung saan ang agwat sa pagitan ng nakaraang pagsusuri ay mas marami kaysa sa pitong araw pagkatapos makatanggap ng nakaraang pagsusuri, PCR test lamang ang pinapayagan.
 - o HINDI binibilang sa anumang limitasyon sa kapasidad ng occupancy ang mga tauhang lumalahok sa regular na lingguhang pagsusuri o nagpapakita ng patunay ng kumpletong bakuna. Bibilangin sa anumang limitasyon sa occupancy ang lahat ng tauhang hindi lumalahok sa regular na lingguhang programa ng pagsusuri o walang kumpletong bakuna.
 - o Mandatory ang paggamit ng mga pantakip ng mukha maliban na lang kung kumakain at/o umiinom. Dapat paalisin kaagad sa pasilidad ang mga panauhing hindi susunod. Pahintulutan ang mga exemption na tinukoy sa [Gabay sa Takip sa Mukha ng CDPH](#).
 - o Dapat ay mahigpit na kinokontrol ang pagpasok at paglabas para maiwasan ang pagkukumpulan ng mga tao sa mga pasukan at labasan.
 - o Kung mayroong buffet na istilo ng pagkain o bar service, dapat ihatid sa mga panauhin ang pagkain at inumin (bawal ang sariling pagkuha) at dapat magpanatili ang lahat ng panauhin ng pisikal na distansya at dapat silang

magsuot ng pantakip ng mukha. Pinapahintulutan lang ang mga dadalo at tauhan sa kaganapan na kumain at uminom sa mga inilaang lugar.

- o Pinapahintulutan ang live na entertainment sa mga event, seremonya, reception, atbp. pero dapat itong sumunod sa lahat ng nauugnay na patnubay para sa [Patnubay sa Mga Panlabas na Live na Event at Pagtatanghal](#) o Mga Panloob na Live na Event at Pagtatanghal.
- o Dapat maglaan ang mga operator ng pribadong event nang hindi bababa sa dalawang oras sa pagitan ng mga event upang maiwasan ang pagkakahalubilo ng mga dadalo.
- o Kinakailangang may nakatalagang upuan upang makontrol ang pagkakahalubilo at magkaroon ng pisikal na distansyang hindi bababa sa 6 na talampakan sa pagitan ng mga tao mula sa iba't ibang sambahayan. Ang mga taong may kumpletong bakuna ay hindi kailangang magpanatili ng 6 na talampakang distansya alinsunod sa Addendum sa Blueprint na Tsart ng Mga Bahagdan ng Aktibidad at Negosyo – Mga Nasuri at May Kumpletong Bakunang Indibidwal at Mga Seksyon.
- o Dapat mapanatili ang pisikal na distansya sa pagitan ng mga vendor (hal. mga photographer, florist, atbp.), officiant, at iba pang tauhan sa event at dadalo sa event sa lahat ng pagkakataon. Dapat gumamit ang mga photographer ng mga lens na nagbibigay-daan sa pisikal na pagdistansya.
- o Sumangguni sa [Payo sa Paglalakbay ng CDPH](#) para sa lahat ng panauhin at dadalo.
- o Sumangguni sa Addendum sa Blueprint na Tsart ng Mga Bahagdan ng Aktibidad at Negosyo – Mga Nasuri at May Kumpletong Bakunang Indibidwal at Mga Seksyon para sa patnubay sa mga kinakailangan sa pagsusuri at pagbabakuna.

Lila – Malaganap – Bahagdan 1: Maaaring ganapin ang mga pribadong event sa mga panlabas na venue at dapat sumunod ang mga ito sa mga pagbabago sa patnubay na ito, kabilang ang:

- o **Panlabas LANG:**
 - o Limitado ang dadalo sa maximum na 25 tao.
 - o Maaaring maging maximum na 100 tao kung magpapakita ang mga dadalo ng patunay ng negatibong pagsusuri o kumpletong bakuna.
 - o Kabilang sa mga limitasyon sa dadalo ang lahat ng kawani at boluntaryong magtatrabaho sa event.

Pula – Malaki – Bahagdan 2: Maaaring ganapin ang mga pribadong event sa mga panloob at panlabas na venue at dapat sumunod ang mga ito sa mga pagbabago sa patnubay na ito, kabilang ang:

- o **Panlabas:**
 - o Dapat limitahan ang dadalo sa maximum na 50 tao.
 - o Maaaring maging maximum na 200 tao kung magpapakita ang mga dadalo ng patunay ng negatibong pagsusuri o kumpletong bakuna.

- Kabilang sa mga limitasyon sa dadalo ang lahat ng kawani at boluntaryong magtatrabaho sa event.
- **Mga Panloob**
 - Dapat limitahan ang dadalo sa maximum na 100 tao. Dapat magpakita ang lahat ng dadalo ng patunay ng negatibong pagsusuri o kumpletong bakuna.

Orange – Katamtaman – Bahagdan 3: Maaaring ganapin ang mga pribadong event sa mga panloob at panlabas na venue at dapat sumunod ang mga ito sa mga pagbabago sa patnubay na ito, kabilang ang:

- **Panlabas:**
 - Dapat limitahan ang dadalo sa maximum na 100.
 - Maaaring maging maximum na 300 tao kung magpapakita ang mga dadalo ng patunay ng negatibong pagsusuri o kumpletong bakuna.
 - Kabilang sa mga limitasyon sa dadalo ang lahat ng kawani at boluntaryong magtatrabaho sa event.
- **Mga Panloob**
 - Dapat limitahan ang dadalo sa maximum na 150 tao. Dapat magpakita ang lahat ng dadalo ng patunay ng negatibong pagsusuri o kumpletong bakuna.

Dilaw – Pinakakaunti – Bahagdan 4: Maaaring ganapin ang mga pribadong event sa mga panloob at panlabas na venue at dapat sumunod ang mga ito sa mga pagbabago sa patnubay na ito, kabilang ang:

- **Panlabas:**
 - Dapat limitahan ang dadalo sa maximum na 200.
 - Maaaring maging maximum na 400 tao kung magpapakita ang mga dadalo ng patunay ng negatibong pagsusuri o kumpletong bakuna.
 - Kabilang sa mga limitasyon sa dadalo ang lahat ng kawani at boluntaryong magtatrabaho sa event.
- **Mga Panloob:**
 - Dapat limitahan ang dadalo sa maximum na 200 tao. Dapat magpakita ang lahat ng dadalo ng patunay ng negatibong pagsusuri o kumpletong bakuna.

PANSININ: Ang mga operator ng pribadong event ay may ilang aspeto sa pagpapatakbo at mga ipinagkakaloob na serbisyo na makikita sa iba pang patnubay sa website na [Gabay ng Industriya upang Mabawasan ang Panganib](#). Kailangang suriin ng mga operator ang patnubay na ito upang mailapat ang naaangkop na mga protokol sa lahat ng aspeto ng kanilang pagpapatakbo, maliban kung iba ang iniaatas ng dokumentong ito. Maaaring kasama sa mga nasabing operasyon ang:

- Mga hotel at tulugan (tingnan ang [Patnubay sa mga Hotel, Tulugan, at Panandaliang Paupahan](#))

- o Mga tram, shuttle, at iba pang transit ([Patnubay sa mga Pampubliko at Pribadong Passenger Carrier, Transit, at intercity Passenger Rail](#))
 - o Limitahan ang serbisyo ng shuttle hangga't maaari at alinsunod sa mga obligasyon sa mga indibidwal na may mga kapansanan.
- o Mga serbisyong pangangalaga ng grounds, pagmementena ng gusali, mga serbisyo sa pangangalaga ([Patnubay sa Mga Limitadong Serbisyo](#))
- o Live na Pagtatanghal (tingnan ang [Mga Panlabas na Live na Event at Pagtatanghal](#) o Mga Panloob na Live na Event at Pagtatanghal)
- o Mga lugar sa pagsamba at pangkulturang seremonya (tingnan ang [Mga Lugar sa Pagsamba at Pangkulturang Seremonya](#))

Para sa pinakabagong impormasyon sa katayuan ng bahagdan sa county, bisitahin ang [Blueprint para sa isang mas ligtas na Ekonomiya](#). Mangyaring pansinin na ang mga lokal na departamento ng kalusugan ay maaaring magkaroon ng mas mahigpit na mga pamantayan at iba't ibang pagsasara. Hanapin [ang lokal na impormasyon ng iyong county](#).

Ang gabay ay hindi inilaan upang bawiin o tanggalin ang anumang mga karapatan ng manggagawa, alinman sa batas, regulasyon o sama-samang kasunduan, at hindi kumpleto, dahil hindi kasama rito ang mga atas sa kalusugan ng county, ni hindi rin ito kapalit para sa anumang umiiral na mga kinakailangan sa regulasyon na may kaugnayan sa kaligtasan at kalusugan tulad ng mga yaong sa Cal/OSHA.¹ Manatiling impormado sa mga pagbabago sa gabay sa pampublikong kalusugan at mga pang-estado/lokal na atas, habang nagpapatuloy ang sitwasyon ng COVID-19. Makikita ang higit pang patnubay sa kaligtasan at kalusugan ng Cal/OSHA sa kanilang [Patnubay sa COVID-19 ng Cal/OSHA](#). May karagdagang gabay ang CDC [para sa mga negosyo at employer](#).



Kinakailangang Paggamit ng mga Pantakip sa Mukha

Konsultahin ang [Patnubay sa Paggamit ng mga Pantakip sa Mukha ng California Department of Public Health \(CDPH\)](#), na nag-aatas sa paggamit ng mga pantakip sa mukha para sa mga miyembro ng publiko at empleyado sa lahat ng pampublikong lugar at mga lugar ng trabaho sa labas ng bahay. Ang kumpletong detalye, kasama ang lahat ng kinakailangan at exemption sa mga tuntuning ito, ay makikita sa patnubay, na regular dapat tingnan para sa mga update. Bilang karagdagan, nagbibigay ang CDPH ng [payo](#) sa mabisang gawi sa pantakip sa mukha.



Programang sa Pag-iwas sa COVID-19 sa Pinagtatrabahuan

Gaya ng iniaatas sa [mga pamantayan sa pag-iwas sa COVID-19](#), dapat magtatag, magpatupad at magpanatili ng nakasulat na Programa sa Pag-iwas sa COVID-19 ang mga employer na available sa mga empleyado at sa kanilang mga awtorisadong kinatawan (ibig sabihin, unyon). Ang mga kumpletong detalye, kasama ang lahat ng kinakailangan at pagbubukod sa

mga patakarang ito, mga template para sa modelo ng Mga Programa sa Pag-iwas sa COVID-19, at Mga Madalas Itanong ay matatagpuan sa sumusunod na [link](#). Dapat tingnan pana-panahon ang lahat ng sanggunian at patnubay para sa mga update.



Pagkalat ng Sakit at Pagpapasuri

Iniaatas din sa mga employer na sumunod sa mga regulasyon ng Cal/OSHA para sa mga [mabilis na paglaganap](#) at [malalaking paglaganap](#), kabilang ang anumang [nauugnay na mga iniaatas na pagsusuri para sa mga empleyado at mga iniaatas na pag-uulat](#). Dapat nilang basahin ang [Mga FAQ sa Mga Paglaganap](#) para sa karagdagang pagsasaalang-alang at paliwanag sa mga regulasyon.

Komunsulta [sa Pagtugon sa COVID-19 sa Lugar ng Trabaho](#) ng CDPH para sa mga partikular na kahulugan sa kung ano ang bumubuo ng isang paglaganap at lahat ng iniaatas na kinakailangang pag-uulat.



Mga Indibidwal na Hakbang sa Pagkontrol at Pag-screen

Iniaatas ng Cal/OSHA ETS sa mga employer na gumawa at magpatupad ng isang proseso para sa pag-screen ng mga empleyado para sa at pagtugon sa mga empleyado na may mga sintomas ng COVID-19, pati na rin upang matugunan ang maraming iba pang mga indibidwal na hakbang sa pagkontrol sa pamamagitan ng pagpapatupad ng mga iniaatas na bahagi ng Programa sa Pag-iwas sa COVID-19. Tingnan ang mga naka-link na materyal para sa mga detalye ng mga naturang iniaatas.

Bilang karagdagan sa mga kinakailangan sa ilalim ng ETS, ang mga employer ay dapat:

- Magsagawa ng mga makatuwirang hakbang, kabilang ang mga anunsyo sa publiko, pagpapaskil ng karatula sa maganda at madaling makitang lokasyon, at sa mga kumpirmasyon ng pagpapareserba, upang paalalahanan ang publiko at mga tauhan na dapat silang gumamit ng mga pantakip ng mukha kapag hindi kumakain o umiinom, (maliban kung exempted alinsunod sa ETS o [Gabay sa Pantakip ng Mukha ng CDPH](#)), sumunod sa pisikal na pagdistansya, huwag humawak sa kanilang mukha, madalas na maghugas ng kanilang mga kamay gamit ang sabon at tubig sa loob nang hindi bababa sa 20 segundo, at gumamit ng hand sanitizer.
- Inirerekomenda ng CDPH ang mga sumusunod na karagdagang hakbang upang higit na mabawasan ang peligro ng hawaan o iba pang mga panganib sa kalusugan:
 - Hikayatin ang mga panauhin o kostumer na maysakit o nagpapakita ng mga sintomas ng COVID-19 na manatili sa bahay.
 - Magbigay ng mga kagamitan upang maisulong ang personal na kalinisan ng mga tauhan at kostumer. Kasama rito ang mga tisyu, mga di-hinahawakang basurahan, mga sabon, sapat na oras para sa

paghuhugas ng kamay, mga sanitizer na gawa sa alkohol, at mga disposable na tuwalya.

- Pag-isipan kung saan makakatulong ang mga disposable na guwantes bilang pandagdag sa paghuhugas ng kamay o paggamit ng hand sanitizer, tulad ng kapag hinahawakan ang mga bagay na karaniwang hinahawakan.



Bentilasyon

- Ang lahat ng negosyong pinahihintulutang magpatakbo sa loob ng gusali ay dapat sumunod sa pansamantalang patnubay ng CDPH at Cal/OSHA [para sa bentilasyon, pagsasala, at kalidad ng hangin](#) upang mabawasan ang pagkalat ng COVID-19 sa panloob na mga lugar. Tinutugunan din ng patnubay na ito ang mga iniaatas kaugnay ng bentilasyon na nakapaloob sa Cal/OSHA COVID-19 ETS.
- Makukuha rin ang karagdagang detalyadong patnubay sa bentilasyon mula sa [CDC](#).



Mga Protokol sa Paglilinis, at Pagdidisimpekta

- Dapat magpatupad ang mga employer ng mga pamamaraan sa paglilinis at pagdidisimpekta, ayon sa kahulugan na ibinibigay ng Cal/OSHA [COVID-19 ETS](#). Dapat gawin ang paglilinis at pagdidisimpekta sa paraang hindi lumilikha ng peligro sa mga manggagawa.
- Hindi nagpapataw ang patnubay ng CDPH ng anumang mga karagdagang iniaatas na lampas sa mga nasa ilalim ng ETS.
- Inirerekomenda ng CDPH ang mga sumusunod na karagdagang hakbang upang higit na mabawasan ang peligro ng hawaan o iba pang mga panganib sa kalusugan:
 - Upang mabawasan ang panganib ng pagkakaroon ng [Legionnaires' disease](#) at iba pang mga sakit na nauugnay sa tubig, magsagawa ng mga hakbang upang siguraduhing ligtas na gamitin ang lahat ng sistema at tampok ng tubig (halimbawa, mga drinking fountain, dekorasyong fountain) pagkatapos ng matagal na pagsasara ng pasilidad.
 - Maglaan ng oras para sa mga manggagawa upang maipatupad ang mga gawain sa paglilinis sa panahon ng kanilang shift. Magtalaga ng mga tungkulin sa paglilinis sa oras ng pagtatrabaho bilang bahagi ng mga tungkulin sa trabaho ng empleyado. Kumuha ng mga opsyon para sa mga pangatlong partidong kumpanya ng paglilinis upang makatilong sa mas lumalaking pangangailangan sa paglilinis, kung kinakailangan.
 - Maglagay ng mga aparato na hindi kailangang hawakan, kung maaari, kabilang ang mga ilaw na may motion sensor, mga sistema ng pagbabayad na walang contact, awtomatikong dispenser ng sabon at tisyu, at mga sistema ng timecard.
 - Hikayatin ang paggamit ng mga debit o credit card ng mga kostumer, halimbawa, sa pamamagitan ng karatula.

- Kapag pumipili ng mga kemikal na pangdisimpekta, gamitin ang mga produktong aprubado para gamitin laban sa COVID-19 na nasa listahang [aprubado](#) ng [Environmental Protection Agency \(EPA\)](#) at sundin ang mga tagubilin sa produkto. Pumili ng mga disimpektante na mas mababa ang posibilidad na magpasimula ng hika sa pamamagitan ng paggamit ng mga produkto sa listahan ng "N" ng EPA na naglalaman ng hydrogen peroxide (hindi mas malakas kaysa sa 3%) o ethanol (ethyl alcohol) at hindi naglalaman ng peroxyacetic acid o peracetic acid. Iwasan ang mga produktong disimpektante sa listahan ng "N" na naglalaman ng mga asthmagens, tulad ng bleach (sodium hypochlorite) o quaternary ammonium compound (hal., benzalkonium chloride). Sundin ang [mga paraan ng paglilinis na ligtas sa may hika](#) na inirerekomenda ng Kagawaran ng Pampublikong Kalusugan ng California at siguraduhing may wastong bentilasyon.



Mga Patnubay sa Pisikal na Pagdistansiya

- Hindi sapat ang physical distancing lamang para pigilan ang pagkalat ng COVID-19.
- Dapat magpatupad ang mga employer ng mga protokol at pamamaraan hinggil sa physical distancing nang hindi bababa sa anim na talampakan sa pagitan ng mga manggagawa at iba pang mga tao, ayon sa kahulugan na ibinigay sa Cal/OSHA ETS na [Pag-iwas sa COVID-19](#). Makikita ang higit pang detalye at halimbawa sa [Mga FAQ ng Cal/OSHA](#).
- Inirerekomenda ng CDPH ang mga sumusunod na karagdagang hakbang upang higit na mabawasan ang peligro ng hawaan o iba pang mga panganib sa kalusugan:
 - Iwasan ang mga harapang pagpupulong at, kung kinakailangan, isaayos ang mga ito upang matiyak ang physical distancing at gumamit ng pagpupulong ng mas maliit na bilang ng mga indibidwal sa mga pasilidad upang makasunod sa mga alituntunin sa physical distancing.
 - Magkaroon ng isang malinaw na nakalaang pasukan at hiwalay na labasan upang makatulong sa pagpapanatili ng physical distancing hangga't maaari.
 - Maglagay ng mga kagamitang magpapadali ng pagpapasa, tulad ng mga istante at bulletin board, upang mabawasan ang mga personal na pagpapasahan sa produksyon. Kung saan maaari, gumamit ng mga lagdang hindi kailangan ng contact sa paghahatid ng mga inorder.
 - Kung maaari, lumikha ng mga lugar ng pahingahan sa labas na may mga takip sa init at mga ayos ng upuan na nagsisiguro sa pisikal na pagdistansiya.
 - Dapat i-set up ang mga lugar sa pag-sign in sa maraming istasyon upang mapanatili ang pisikal na pagdistansiya.
 - Ang lahat ng pampublikong lugar at lobby ay dapat isaayos para magkaroon ng mas malalawak na pasilyo at maaayos na pila, kung saan kinakailangan. Dapat itilagang "one way" ang ilang daanan.

- o Magtalaga ng mga tauhan sa panahon ng mga break ng event, oras ng pagkain, atbp., upang matiyak ang maayos na paglabas at pagpasok sa mga lugar ng pasilidad. Maglaan ng mga tauhan upang mapanatili ang naaangkop na espasyo sa mga lugar ng pila at matulungan ang mga dadalo na maunawaan kung saan nagsisimula ang mga linya dahil maaaring mahirapan silang makita kung saan tatayo dahil sa bakanteng espasyo.



Serbisyo ng Dining at Pagkain

- o Ang mga attendant, busser, at iba pang tauhan na nagliligpit ng mga bagay na ginagamit ng mga kostumer (maruruming tasa, plato, napkin, atbp.) o humahawak ng mga basura ay dapat magsuot ng mga disposable na guwantes (at maghugas ng mga kamay bago isuot at pagkatapos alisin ang mga ito) at magkaroon ng mga apron na madalas pinapalitan.
- o Dapat ibigay ang mga kinakailangang pangkalahatang item na gaya ng mga lagayan ng condiment, shaker, atbp., kapag hiniling ang mga ito at dapat maglinis ng kamay bago ang bawat paggamit.



Entertainment, Audio Visual, Photography/Videography

- o Hikayatin ang paggamit ng mga mikropono upang bawasan ang pagpapalakas ng boses. Magdisimpekta ng lahat ng teknolohiyang pang-komunikasyon bago at pagkatapos ng bawat paggamit.
- o Ang mismong tao lang na gagamit ng lavalier na mikropono ang maglalagay nito sa kanyang sarili at hindi ang provider, halimbawa ay ang disc jockey o videographer.
- o Magdisimpekta ng mga lavalier na mikropono at transmitter bago at pagkatapos ng bawat paggamit, alinsunod sa mga tagubilin ng manufacturer, at palitan ang mga piyesa sa pagkakabit ng lavalier na hindi malilinis nang maigi.
- o Hindi dapat maghiraman ng mga mikropono ang mga entertainer at/o dadalo sa event, kung maaari. Kung gagamit ang mga dadalo sa event ng mikropono para sa mga pananalita, atbp., dapat magbigay ng hiwalay na mikropono.
- o Inirerekomendang bumili ang mga kumpanya ng entertainment ng mga takip sa mikropono upang makatulong sa pagsuporta sa paghihiraman ng mga mikropono sa event.
- o Dapat gumamit ng overhead na mikropono o stand ng mikropono para hindi kailanganin ng mga bisita o empleyado na hawakan ang mikropono.
- o Ang lahat ng madalas hawakang kagamitan: mga mikropono, stand ng mikropono, remote ng presentation, at audio/video cable ay dapat disimpektahin nang madalas at sa pagitan ng paggamit ng iba't ibang tao. Dapat magtalaga ng kagamitan sa mga indibidwal na gumagamit hangga't

maaari o disimpektahin ang mga ito pagkatapos ng bawat paggamit.

- o Ang lahat ng kagamitan ay dapat pangasiwaan ng kaugnay na vendor hangga't maaari.
- o Ang mga photo booth ay dapat lang gamitin sa bawat partikular na pagkakataon ng mga miyembrong mula sa iisang sambahayan. Lubos na hinihikayat ang mga open air na photo booth.
- o Dapat maglagay ng karatulang nagsasaad na ang mga panggrupong larawan ay para lang sa mga miyembrong mula sa iisang sambahayan.
- o Kung gagamit ng props, tiyaking may available na hand sanitizer bago gamitin ang mga ito.
- o Pagkatapos ng bawat paggamit, ang lahat ng karaniwang hinahawakang surface, tulad ng mga touch screen, ay dapat linisin nang madalas ng photobooth attendant.

¹Dapat isaalang-alang ang mga karagdagang kinakailangan para sa mga madaling magkasakit na populasyon. Dapat sumunod ang mga operator ng event sa lahat ng pamantayan ng [Cal/OSHA](#) at dapat ay handa silang sumunod sa patnubay nito gayundin sa patnubay mula sa [Centers for Disease Control and Prevention \(CDC\)](#) at [California Department of Public Health \(CDPH\)](#). Bukod pa rito, dapat handa ang mga employer sa pagbabago sa kanilang pagpapatakbo habang nagbabago ang mga patnubay na iyon.

